

Stopteken met stet

Johan Kwast

't Is nen mooien röstigen zommeroawend. De lös-vaste kuierklup kan wier rekken op zo um en noa-biej de viefteen man. Mangs meer, 'n eankel moal wat meender. Zee bestriekt de baanken bije 't gemeentehoes. De hadde kern van de klup mist nooit. Wee bint dat zoal: 't lezernbuis, Knikkebol, Pleerdöpke, Meindert Plukvet, Klean Fritske, Beernd van de Muske, Bultje Hemmelhös, Mientjes Toon, Jantje Dreekwat, Eusie van de Panlat; almoal in of um de tachtig. Meestal hebt zee 't plaatse-lijk niejs bije 'n kop. Hogere politiek geet eur boawen de pet.

Op 'n pekeerplas stapt Joop Penseel, 'n bekeanden hadloper oet vrogere joaren, oet zien Panda'tje. Hee keump eure kaant oet. "Zo zeej nog ees 'n vesoen-lijk meanske, zeg Zeetkiek." "Ha Joop, komt der bije zitten." "Noe, effen dan." "Hoo is 't der nog met?" "Ja, wat za 'k oeleu zeggen, 't heult nich oawer. De heur goat mij al rech oawerean stoan a'k der an deank." "Vetel!" En Joop trek lös.

Ik was op weg noar ne kondelatie. 'k Was niks te vroeg, ik kon de tied wal broeken. Op 'n Deeldner-diek is net ne groep wandelvolk oawerstökken. De oawend 4-daagse is an de gang. Ne volgenden sliert lopers is nog op ofstaand. 'k Rie al nich harre, mear rem nog wat of. Twee BOA's (biezeundere oren anneaiers) regelt 't vekeer. Dee hebt 't doar vuur 't zeggen, zee veult zich. 'n Enen heult alver-dan 'n aarm nog in de heugte: STOPPEN!. Ja, hallo, ik möt wieder en 't kan zat, duch mij. "Stoppen, zeg ik oe", röp-e. Mear 'k veur heanig vedan. Niets slöt-e mij op 't dak van 'n auto. De baankzitters luustert met bek en oren.

Daagns derno hebt de BOA's met 'n opgestrekken zeil, op 't plietsieburo eur beklag 'edoan. 's Mir-raangs, de plietsie an 'n droad. "Köj effen kommen oew vemaal doon?" Dat kan. "Ie kriegt ginne be-kuring, wiej bint der nich bije'e wes. Wal mö 'w bea-re rapporten duurspöllen noar 't CBR. "Ie heurt der deank ik van eur wal meer van." Doar geet 'n trein en ik zit der in.

'n Moand of wat later, nen angetekenden brief: *Ge-zien de ontvangen informatie twijfelen we ernstig aan uw geestelijk vermogen. Binnen 14 dagen dient u een afspraak met het CBR te regelen. Vooraf € 384,- over te maken. Zo niet, dan verklaren we uw rijbevoegdheid ongeldig.* 't Möt toch nich anha-len, mear wat mö 'k. "Jagen of streupen", har 'n ha-zen ok zeg, "loat 't wean wat 't wil, mear 't geet

um mij." 'n Auto doar kaank nich um, dus ik bel met 't CBR. "*U krijgt nader bericht van ons.*"

Binnen de kotste keren wier 'n angetekend schrie-wen. In't zeekenhoes in Eanske kommen, ofdeling psychiatrie. Zee wilt zeen of ik 't goodwies wal in odder heb. De neurige pepieren metnemmen en ter plekke nog ees kontant € 400,- op 'n poal leggen. Op tied der wean, aans kaank 't rieden meteen ve-getten. "Hej 't ooit zo zoolt 'e-egetten?" 't Is duude-lijk, zee wilt mij van de weg of hebben." Tooken wekke mök bije 'n psychiater opdrawen.

"Schaan, grote schaan is 't. Geeldklopperiej, ofzet-ters, jammer geeld!" kreait 't dreestuuwers haantje achter oet 'n hals. 't Voeloas Oelenspiegel stelt vas-te: "Seempel zat, met stoppen wa'j heel wat goodko-per oet 'e wes, of nich dan." Ik geef 't nich geern too, mear hee kon wal ees geliek hebben.

Dit verhaal is ok openbaar wörden in 't beukske *Ver-halen en gedichten*, oetgeven duur de K.T.S. (Kreenk voor de Twentse Sproak). Ne verzameling inzeandingen in 't kader van de schriefwedstried meart 2018. Ok Leo Leurink ziene biedreage steet der in.

Ne oetgave met good niveau weark. Dit beukske (63 bladzieden dik) woarin ok de Ned. Vertalingen stoat, kan alman kopen vuur € 4,-. Gin geeld. Direct doon en ie hebt 'n paar uur leasplezeer. Ik nen an-roader als 'n kedootje!

Nem effen kontakt op met de secr. Van de K.T.S.: Alie van der Veer. Burgemeester Stroinkstraat 485 7547 RH Enschede
Ie könt eur wieder benoaderen op tel. 074-2911090 of per e-mail: avanderveer@twenteakademie.nl